

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Korisnik usluga)

i

PROEX d.o.o., Džemala Bijedića 11, TC Mercator, Sarajevo, ID broj: 4200766150008, koju zastupa direktor Esmira Hamzić (u daljem tekstu: Davalac usluga),

zaključili su:

UGOVOR O PRUŽANJU USLUGA DOSTAVLJANJA PRIPREMLJENIH OBROKA ZA ZADRŽANE OSOBE LIŠENE SLOBODE

Član 1.

Predmet Ugovora je pružanje usluga dostavljanja pripremljenih obroka za zadržane osobe lišene slobode u 2020. godini, u objektu Ministarstva unutrašnjih poslova Kantona Sarajevo, ul. Zmaja od Bosne br. 15. Nabavka je izvršena putem poziva za nabavku restoranskih usluga u 2020. godini, na osnovu Odluke broj 02-11-4-27/19 od 06.01.2020. godine, a u skladu sa Pravilnikom o postupku dodjele ugovora za nabavku usluga iz Aneksa II dio B Zakona o javnim nabavkama ("Službeni glasnik BiH", br.66/16), ponudom Davaoca usluga, i stvarnim potrebama Korisnika usluga.

Ponuda Davaoca usluga - cjenovnik je sastavni dio ovog ugovora.

Član 2.

Ukupan iznos za ugovorene usluge iz člana 1. ovog ugovora ne može preći iznos od 14.500,00 KM (četrnaest hiljad pet stotina i 00/100) bez uključenog PDV-a.

Davalac usluga se obavezuje da se cijene iz Ponude neće mijenjati do isteka ovog ugovora.

Član 3.

Ugovorne strane su saglasne da kvalitet dostavljenih obroka mora u svemu da odgovara standardima i propisima koji regulišu kvalitet tih vrsta proizvoda.

Član 4.

Davalac usluga se obavezuje da će usluge pružati svaki dan (uključujući vikend i dane praznika) u predviđenom vremenu za:

- doručak od 07.30 – 08.30 sati
- ručak od 13.30 – 14.30. sati
- večera od 19.00 – 20.00 sati

Član 5.

Korisnik usluga će ugovorenu cijenu plaćati u roku od 30 dana po dostavljanju mjesečnih faktura na tekući račun Davaoca usluga.

Davalac usluga je dužan uz fakturu dostavljati mjesečni Izvještaj o isporučenim obrocima. Izvještaj će sadržavati vrstu i količinu isporučenih obroka po datumu isporuke, a u skladu sa ponudom – cjenovnikom Davaoca usluga.

Član 6.

Davalac usluga se obavezuje da će odmah postupiti po eventualnim primjedbama Korisnika usluga u pogledu nedostataka na ime kvaliteta izvršene usluge.

Korisnik usluga je dužan dostaviti pismeno obavještenje o svakom propustu Davaoca usluga. Korisnik usluga će utvrditi razuman rok za ispravku propusta Davaoca usluge u smislu izvršavanja predmetnih usluga.

Član 7.

Ugovorne strane su saglasne da se ovaj ugovor zaključi na određeno vrijeme, sa pravim dejstvom od 01.02.2020. godine do 31.12.2020. godine, a najduže do utroška ugovorenih sredstava.

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 9.

Na sve što nije regulisano odredbama ovog ugovora, primjenjivat će se odredbe Zakona o obligacionim odnosima koje se odnose na ugovor o pružanju usluga.

Član 10.

Ovaj ugovor je zaključen, kada isti potpišu obje ugovorne strane, a počinje važiti od 01.02.2020. godine.

Član 11.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**DAVALAC USLUGA
PROEX d.o.o.
Sarajevo**


direktor **Esmira Hamzić**

Broj : 88
Datum: 29.01.2020

**KORISNIK USLUGA
MUP KANTONA SARAJEVO
UPRAVA POLICIJE**


POLICIJSKI KOMESAR
Generalni inspektor policije
Nusret Selimović

Broj : 02-11-4-27-4/20
Datum: 28.01.2020. godine